

沅陵縣志卷十七

軍事志

苗防附

周

赧王三十五年辛巳

秦昭襄王二十七年

秦使司馬錯發隴西因蜀

攻楚黔中

今常辰沅永等府地

拔之

史記

省志

三十八年甲申

楚頃襄王二十二年

秦蜀守張若攻楚取巫郡及江

南為黔中郡

史記

府志

府志曰正義註黔州故城在辰州是秦有黔中在赧王三十八年取之者為張若明甚而後漢南蠻傳以為秦昭王使白起伐楚畧取南蠻始置黔中郡宋史因之考

沅陵縣志

卷十七

軍事志

苗防附

一

史記楚世家及綱鑑皆云秦白起伐楚拔郢燒夷陵未嘗言黔中且事在赧王三十七年後漢書誤也當從史記為是

案府志沿革考及此處皆引史記以為楚頃襄王二十二年秦拔巫中及江南為黔中郡是黔中之名為秦置也然考史記秦本紀赧王三十五年秦使司馬錯攻楚黔中拔之事在張若之前則楚本有黔中之名秦取其地而因之者耳建置不知始於何時其見於史書者當以史記赧王三十五年之事為最古乃府志之援據史記者反肇始於三十八年而置三十五年之事不錄其

或偶遺與

續

三十九年乙酉楚

頃襄王二十三年

西取秦所拔我江旁十五邑

以爲郡距秦

史記楚世家

府志

案通鑑載赧王三十八年秦取楚巫黔中或卽張若之

事然三十五年秦既使司馬錯拔之何以復有三十八

年張若之事或三年之中復爲楚有耶自乙酉後黔中

爲楚郡者殆五十四年至秦始皇二十四年始滅楚置

黔中如故

續

唐

武德三年庚辰蕭銑將董景珍始以沅陵郡降郡自大業

沅陵縣志

卷十七

兵事志

苗防附

二

十三年蕭銑稱梁公據之凡四年

唐書帝紀

府志

五代梁

開平四年庚午吳敖駢圍赤石辰州刺史彭城調所部征

之被執不屈闔門遇害

楚紀

府志

宋

嘉熙三年己亥春謀知元兵欲大舉臨江京西湖北路安

撫制置使孟珙策其必道施黔以透湖湘條上流備禦

宜爲藩籬又遣楊鼎張謙往辰沅靖三州同守倅講求

支徑以圖來上

列傳

府志

寶祐六年戊午元大帥兀良合侵宋內地遣其子阿朮與

四王潛衝宋軍宋軍大敗元乘勝躡貴州蹂象州入靖
江府連破辰沅二州直抵潭州 列傳 府志

元

至正十二年壬辰九月賊攻辰州達魯花赤和尚擊走之
本紀 府志

十六年丙申五月賊寇辰州守將和尚以鄉兵敗之 府志

十九年己亥叛將梁炳攻辰州守將和尚擊敗之以和尚為

湖廣行省參知政事 本紀 府志

二十四年甲辰二月吳王 明太祖建國號曰吳 自將伐漢克武昌湖

南諸郡望風歸附十二月左相國徐達克辰州驃騎衛

沅陵縣志

卷十七

兵事志

苗防附

三

指揮同知唐勝宗徇沅陵凡元時所置宣慰安撫長官
司之屬皆先後迎降悉授原官 明史 府志

明

崇正十六年癸未四方寇亂援兵駐辰州侵虐平民通判

石萬有捐餉遺之二月闖賊餘黨竊據澧州偏沅將官

周晉乘機燬常德城內外民房半月不熄辰民間風驚

竄萬有與民誓同守逃徙者斬廣設方畧緝奸擒偽賊

知宵遁是冬全楚陷於賊十一月二十三日西城張獻

忠破常德城殺戮遍村市萬有攝兵篆與知縣唐夔鼓

率紳士調土兵練鄉勇嚴守城池堵截水陸辰州賴以

安 遺愛碑常德志 府志

附
副將張先璧屯精兵三千於溆浦總督何騰蛟屬巡撫
章曠召之留爲親軍唐王時授先璧總兵官爲湖南十
三鎮之一已而何騰蛟走衡州先璧兵突至大掠挾騰
蛟間道走辰州 明史列傳 府志

案先璧挾騰蛟走辰州事在順治四年見通鑑輯覽
府志曰溆浦舊志載崇正甲申爲流賊殘破新志辨之
云崇正壬午闖賊李自成陷辰州乙酉闖賊敗入襄陽
奔辰州是辰郡兩罹闖禍溆浦必被兵然非甲申也今
攷明史流賊傳旣無陷辰州之事而米助國石通判遺

沅陵縣志

卷十七 兵事志 苗防附

四

愛碑記作於崇正十七年言辰州得萬有以安者五年
則所云自成陷辰州者係溆浦縣境非辰郡城也

案明史以自成縊於九宮山而通鑑紀事又云自成奔
辰州抄掠黔陽雞犬皆盡結營羅公山何騰蛟進兵攻
之自成大敗走村落求食村民圍擊陷於淖人馬俱斃
截首獻騰蛟左矚傷鏃始知爲自成考溆志有羅公山
自成於此結營則其陷辰州爲溆浦無疑溆屬辰州故
通鑑紀事統言之

國朝

順治四年丁亥明桂王鎮將王進才馬靖忠進掠辰州張

先璧復據沅城荼毒彌甚八月

大兵破武岡及寶慶常德甯南將軍

省志作平南大將軍

恭順王孔

有德克辰州進才等遁

府志

五年戊子四月

大兵至辰州擒明榮王朱有楨子松於苗洞

孔有德奏畧省志

六年己丑我兵克湘潭故明督師大學士定興侯何騰蛟

死之其鎮將王進才馬靖忠

省志作進忠

高必正李赤心

按必

正為自成妻弟名一功赤心為自成弟名過二年騰蛟撫之唐王聿鍵賜今名統忠貞營 剽掠沅靖

張南甯攻辰州不果遂焚辰谿先是丁亥王進才等即

擾辰州復破辰谿自是兵禍不絕十二月袁宗第劉體

沅陵縣志

卷七

兵事志

苗防附

五

純

或作體仁府志作體復殊誤

由銅仁入麻陽出楚赤心等走廣西

通鑑輯覽省志府志

案是年八月定遠大將軍鄭親王濟爾哈朗等帥師克

辰州進才等敗遁又鄭親王奏稱臣領兵趣永興賊渠

一隻虎聞風棄辰州遁則是辰州本為賊據鄭親王克

之者也辰州自三年後為大兵克復者三為賊將割據

若三辰民之劬悴驚耗尙忍言哉

七年庚寅黔兵攻辰州知府王任杞與戰克之擢兵備副

使黔兵退據辰谿

一統志府志

九年壬辰孫可望遣將盧名臣

省志作明臣

等率黔兵復攻辰

州參議劉昇祚副使王任杞總兵徐勇知縣楊來鳳堅力拒守城陷皆殉而昇祚任杞闔門盡節無一屈者名臣既克城稱鎮益兇暴淫虐沅人無所逃命十一月可望僭改辰沅郡縣隸黔因稱王僞鎮高鳳翔徐廷威等踞沅州虔劉士女如名臣

一統志府志

十二年乙未三月盧名臣自辰陷桃源

大兵設伏大破之名臣赴水死兵潰歸沅陵

府志省志

十三年丙申秋甯南靖寇大將軍阿爾津進攻辰州黔兵

遁我師歸常德黔兵復據辰者三年

本傳府志

案省志作十二年克辰州者誤而府志又以舊志稱阿

沅陵縣志

卷十七

兵事志 苗防附

六

將軍莫知其名今考滿名臣傳則阿爾津當不誤

十五年戊戌三月太保經畧洪承疇克復湖南諸郡縣沅

陵始平

精華錄註府志

康熙十二年癸丑十一月二十一日滇逆吳三桂叛傳檄

入楚下寇辰沅澧辰路梗

精華錄註府志

十三年甲寅正月僞將夏國相據辰州徵索無厭民流離

死徙者眾三桂銜枚北驅長沙守臣望風奔逸三桂遂

據湖南六郡二州薦食荆苦僭號曰周改元昭武事聞

詔順誠郡王統兵控扼荆鄂以防奔突繼

命和碩安親王督軍由袁州趨長沙簡親王督軍由吉安

進衡州逆勢稍殺轉據衡陽

漁洋文畧
府志

十四年乙卯三月偽將勒取畜物箭竿沉境柳枝盡剝六

月索徵明年糧稅民死徙者眾

辰龍關記
府志

十五年丙辰正月偽將黃正卿設塘汛逼辰州

平寇記
府志

十七年戊午正月賊三桂之孫世璠襲位於貴州改元洪

化先是丁巳三桂僭位於衡旋病噎死至是賊帥馬寶

王會等聞我兵將迫爭渡江謀遁據辰州者益騷擾無

忌

平寇記
府志

十八年己未春我師三路並進吳逆潰卒沿途焚劫偽將

退據辰州立柵清捷河安營鑿濠分兵扼沅陵之辰龍

沅陵縣志

卷十七

兵事志

苗防附

七

關關最高險我師仰攻不克賊恃險益肆淫虜委骨成

邱晝疆如夜民愈無所逃命

辰龍關記
府志

十九年庚申貝勒察尼綏遠將軍蔡毓榮提督桑格總兵

郭某帥師攻辰龍關二年不下駐軍太平鋪撫綏難民

三月初九夜鄉民向夢熊導總督軍由茅岡嘴經高巖

伏兵於辰州坪鄉民蔡斗還導提督軍由得勝凹出細

溪伏兵於郭家溪鄉民王玉美導總兵軍由歸龍菴經

打鼓坪出澹溪伏兵於馬家坪向夢熊令其僕可隨於

毛版衝嶺上舉火為號賊驚亂我軍分道下破辰龍關

上攻清捷河賊大奔潰十四日遂克辰州城明年賊黨

悉誅

辰龍關記
府志

案府志載大將軍貝子章泰克辰州今攷功績表傳則克辰州者實為察尼而章泰固由武岡進兵者也

府志
誤今

正之

咸豐四年甲寅五月粵匪洪秀全遣偽丞相曾養性率師陷龍陽武陵連破桃源辰城戒嚴知府劉位坦練勇扼險以守並諭邑紳許文耀張開謨等募鄉民數百人號良家子晝夜巡緝既而賊游騎掠邑之麻泚汛偵知有備且水陸皆奇險未易攻取屬賊帥改趨巴陵擁眾去辰境以安

續

沅陵縣志

卷十七

兵事志

苗防附

八

十一年辛酉粵匪石達開擁眾數十萬由麻陽小徑繞辰谿之潭灣抄襲浦市拊其背市固邑之精華處闐闐鱗次商賈雲屯賊至大肆殺掠男婦赴水暨縊死者頗眾有山洞匿避者千餘人賊知之捆負菸蓼諸物塞其實焚之扇以風毒燄蜿蜒入罅隙皆透匿者輒薰灼死膚肉糜潰署知府仁和汪敦灝會同三營官弁並募民兵扼要防堵飛檄乞援於諸營將之駐鄰郡者不數日期曾數千人民心稍定先是賊率避重兵及大郡縣至是偵知邑多險峻且守禦嚴乃改道趨瀘溪入洞河窺永綏聞道入蜀時冬月下旬也是役也郡城幸不蹂躪而

浦市被禍獨烈較乾嘉間苗匪之擾為倍慘云

附苗防

漢

建武十九年癸卯左中郎將臧宮擊武谿賊至江陵降之

後漢書臧宮傳
府志

二十三年丁未十二月南蠻精夫相單程等據其險阨大

寇郡縣遣武威將軍劉尚發南郡長沙武陵兵萬餘人

乘船泝沅水入武谿擊之尚輕敵入險山深水疾舟船

不得上蠻民知尚糧少入遠又不曉道徑遂屯聚守險

尚食盡引還蠻緣路徼戰尚軍大敗悉為所沒

府志

沅陵縣志

卷七

兵事志

苗防附

九

案崙溪雜志云苗人渠帥曰精夫

二十四年戊申秋七月相單程等下攻臨沅遣謁者李嵩

中山太守馬成擊之不克馬援請行帝愍其老援據鞍

顧盼以示可用帝壯而遣之

後漢書
府志

二十五年己酉秋泅波將軍馬援率中郎將劉匡馬武孫

永等將軍至臨沅遇賊攻縣迎擊破之斬獲二千餘人

賊散走入深林二月援進營壺頭賊乘高守隘水疾船

不得上會暑甚士卒多疫死援亦病卒後單程等饑困

監軍謁者宋均矯制告諭悉降之

後漢書
府志

府志曰後漢馬援傳及正史約俱作臨鄉注臨鄉鄉名

在武陵縣南蠻傳作臨沅攷後漢郡國志是時武陵稱郡臨沅爲首縣則南蠻傳所紀得之宋史作臨淮者訛又宋均訛宗均辨詳名宦傳中

元嘉元年辛卯秋七月武陵蠻詹山等四千餘人反叛拘

執縣令屯結深山遣竇應明討之築城守禦南蠻傳府志

案府志楠溪一名明溪以竇應明駐師得名水經註沅

水逕竇應明城側應明以元嘉初伐蠻所築其故址不

可考

中平三年甲子武陵蠻叛寇郡界郡兵討破之南蠻傳府志

吳

沅陵縣志

卷十七 兵事志 苗防附

十

嘉禾三年甲寅冬十一月太常潘濬鎮南將軍呂岱其平

武陵蠻築壘於西水之側三國志府志

永安六年癸未魏遣郭純試守武陵率涪陵民屯於赤沙

誘致諸蠻邑君進攻西陽縣郡中震懼吳以鍾離牧領

武陵太守斬魁帥及其支黨五溪平吳志府志

晉

咸和四年己丑長沙郡公陶侃遣諮議參軍張誕討五溪

蠻降之晉書府志

宋

泰始中荊州刺史沈攸之責賒蠻獠以財贖罪也伐荊州於是蠻

部大亂抄掠平民至郡城下武陵內史蕭嶷遣隊主張

莫一作英兒率將吏擊破之南齊書府志

按宋賦役嚴苦貧者不復堪命多逃亡入蠻蠻無徭役

強者又不供官稅結黨連郡動數千百人州郡力弱則

起為盜在武陵者有雄溪楠溪辰溪西溪武溪謂之五

溪蠻自景平至昇明終宋之世荊州為之虛弊南史府志

唐

開元十二年甲子五溪首領覃行璋府志反以楊思勗為

招討使率兵六萬往執行璋斬首三千級唐書府志

元和六年辛卯辰叙州首領張伯靖反時黔州大水壞城

沅陵縣志 卷十七 兵事志 附苗防 十一

郭觀察使竇羣發溪洞蠻督役太急於是辰叙二州蠻

反羣討之不能定唐書府志 通鑑

八年癸巳四月遣黔中經畧使崔能五月遣荆南節度使

嚴綬七月遣劔南東川節度使潘孟陽八月遣湖南觀

察使柳公綽先後討張伯靖伯靖上表請得隸荆南乃

降崔能內恨之更請調荆南等軍為援約西原十洞兵

皆出可以成功議者皆以為便李吉甫以伯靖挾怨而

叛以大兵招之可不戰自定乃獨詔嚴綬招之於是伯

靖率家屬詣江陵降授右威立羽府中郎將帝紀南蠻傳

案通鑑云八年秋七月丁未辰叙賊帥張伯靖請降辛

亥以伯靖為歸州司馬委荆南軍前驅使與唐書不同
五代後梁

開平三年己巳辰州蠻酋宋鄴叙州蠻酋潘金盛恃其所
居深險數擾楚邊至是鄴寇湘鄉金盛寇武岡楚王馬
殷遣呂師周討之通鑑

案通鑑攷異作潘金晟十國春秋又作金盛未知孰是
四年庚午吳敖駢圍赤石辰州刺史彭瑊調所部征之被
執不屈闔門遇害楚紀

乾化二年壬申辰州蠻酋宋鄴等率眾降於楚楚以鄴為

辰州刺史

通鑑

五代史楚世家

沅陵縣志

卷十七

兵事志

附苗防

十三

龍德元年辛巳辰叙蠻侵楚節度副使姚彥章討平之

通鑑

案此節省志載入梁末府志題曰後唐及攷五代史則
知府志誤也

後晉天福四年己亥八月溪州刺史彭士愬

一作然

率錦

獎諸蠻寇辰澧州九月楚王馬希範命左靜江指揮使
劉勅決勝指揮使廖匡齊帥衡山兵討之勅等進攻溪
州士愬敗走退保山寨石岵四絕勅為梯棧上圍之匡

齊戰死

通鑑

五代史

案五代史載劉勅偕劉全明討蠻與通鑑之廖匡齊異
五年庚子春楚劉勅等因大風以火箭焚彭士愬寨士愬

逃入深山遣子師嵩納溪錦獎三州印請降馬希範徙溪州於便地表士慙爲溪州刺史以勅爲錦州刺史自是羣蠻服於楚希範自謂新息侯之裔以銅五千劬鑄柱高丈二尺入地六尺銘誓狀於上立之溪州

通鑑

後漢顯得中周行逢據有湖南蠻獠數出寇邊逼辰永二州殺掠無寧日

宋史蠻獠傳

宋

乾德元年癸亥三月慕容延釗克朗州湖南平太祖思得通蠻情習險扼勇智者以鎮撫之乃召辰州獠人秦再雄至闕下察其可用擢爲辰州刺史

宋史帝紀

沅陵縣志

卷十七

兵事志 苗防附

十三

景德二年乙巳辰州諸蠻攻下溪州爲其刺史彭儒猛擊走之擒酋首以獻詔賜儒猛錦袍銀帶儒猛自陳母老願被恩典詔特加邑封

蠻獠傳

大中祥符六年癸丑辰州溪洞都指揮使魏進武率山獠數百人數寇城砦朝廷不欲窮討乃降詔招諭之明年

進武歸命

蠻獠傳

天禧元年丁巳溪州蠻寇擾詔遣兵討之

蠻獠傳

二年戊午閏月辰州都巡檢使李守元率兵入白霧圍擒蠻寇十五人斬首百級降其酋二百餘人知辰州錢絳等入下溪州破砦柵斬蠻六十餘降老幼千餘刺史彭

儒猛亡入山林執其子仕漢等赴闕詔高州蠻捕儒猛
來獻者厚加賞典五月儒猛因順州蠻田彥宴上狀本
路自訴求歸轉運使以聞上哀憐之特許釋罪八月儒
猛乃奏上所畧民口器甲詔辰州通判劉中象召至明
灘歃血要盟遣之以仕漢爲殿直

南蠻傳

天聖初下溪州蠻彭仕漢自京逃歸誘羣蠻爲亂寇辰州
殺巡檢王文慶其父儒猛以聞右侍禁史方勒兵入溪
洞討捕降其黨李順同等八百餘人誅其尤惡者杜怒
等十九人而儒猛已遣別子仕端殺仕漢朝廷嘉其忠
降詔獎諭時儒猛爲檢校尙書右僕射特遷左僕射又

沅陵縣志

卷七

兵事志

苗防附

十四

以仕端爲檢校國子祭酒知溶州加賜鹽絲而史方亦

遷西頭供奉官知辰州

史方傳
蠻獠傳

至和二年乙未彭師寶舉族趨辰州告其父仕義之惡且
言仕義嘗殺誓下十三州將奪其符印並有其地貢奉
賜予悉專之自號如意大王補置官屬將起爲亂十月
仕義內寇詔湖北路發兵捕之於是知辰州宋守信與
通判賈師熊轉運使李肅之合議率兵數千深入討伐
以師寶爲鄉導兵至而仕義遁入他峒不可得俘其孥

及銅柱而官軍戰死者十六七守信等皆坐貶

帝紀
蠻獠傳

嘉祐二年丁酉以彭仕義曾梗招安遣三司副使李參文

鈐轄竇舜卿侍御史朱處約等大出兵臨之且馳檄招諭仕義乃陳本無反狀往守信輕信師竇之譖願以二十州舊地復貢奉內屬朝廷又遣殿中丞雷簡夫往視之帝紀
蠻獠傳
案今縣西六十里明溪有雷簡夫題名紅字碑叙征伐招撫之由卽此事也碑文詳古蹟

熙寧五年壬子初湖北提點刑獄趙鼎言峽州舒光秀剽無度蠻眾願內屬辰州布衣張翹亦上言南北江利害詔下知辰州劉策商度策請如翹言乃遣章惇爲湖北路訪察使策旋卒又以東作坊使石鑑爲鈐轄兼知

沅陵縣志

卷十七

兵事志

苗防附

十五

辰州助惇經制

蠻獠傳

七年甲寅章惇以三路平懿洽鼎州神宗用副使蔡某言專委於王安石惇力爭不已旣而得蠻地多而功竟歸

於惇

帝紀
蠻獠傳

八年乙卯提點刑獄李平招納彭師晏誓下州峒蠻張景謂彭德儒向承勝覃文猛覃彥霸各以其地歸版籍師晏遂降十二月詔修築下溪州城並置砦於茶灘南岸賜新城名會溪新砦名黔安戍以兵隸辰州出租賦如

漢民

地理志
蠻獠傳

元祐三年戊辰羅家蠻寇抄詔召都誓主彭仕誠及都頭

覃文懿等至辰州約赦之

蠻獠傳

崇寧元年壬午十二月辰沅州獠入寇

帝紀

政和中五溪蠻擾邊

列傳

乾道六年庚寅獠人格殺省戶一人知沅州孫叔傑輒出兵破其十三柵於是獠人相結為亂帝用幸臣虞允文議命葉行代叔傑開示恩信諭以禍福邊境悉平

帝紀

元

至元二十一年甲申詔四川宣慰使李忽蘭吉參政曲里吉思僉省巴八左丞汪惟正分兵取五溪洞蠻時思播以南蠻獠叛服不常至是討之十一月諸將鑿山開道

沅陵縣志

卷七

兵事志

苗防附

夫

綿亘千里諸蠻設伏險隘木弩竹矢伺間竊發悉擒之復遣諭諸蠻酋長率眾來降

元史列傳

案侯志載泊崖洞田萬填

填字頌字之訛

楠木洞孟再師侵辰

境詔下調湖廣四川軍馬徂征湖廣以荆湖北道都元

帥脫里察

即脫察

招討使田興祖

當即榮祖

等統兵從澧州進

四川以濶里吉思

即曲里吉思

李宣慰從西陽諸道並進克

之萬頃出降擒兩洞主以獻詔下諸洞立為一府九州分隸湖廣四川洞官可授宣慰勅泊崖洞升為施溶州命萬頃知州事與史參觀之可也

二十九年壬辰辰州蠻叛副樞劉國傑僉院唆木蘭往討

之不利徵辰澧弩士三千征之遂大勝 列傳

是年九溪十八洞苗叛詔四川行省擊平之時萬戶府

軍出征瓜哇魯萬丑等乘虛入寇萬戶田興祖捕之十

一月又巴安撫向進益以魯萬丑至辰州路官受賄放

還 侯志

三十一年甲午田萬頌等復叛攻之不下成宗即位赦之

亦不降於是命行樞密院副使劉國傑討之九月國傑

馳至辰州進攻明溪萬丑擁眾自上而下千戶崔忠百

戶馬孫兒戰死十月進兵桑木溪萬丑復以千人拒戰

却之明日萬丑倍眾來攻國傑鼓之百戶李旺率死士

沅陵縣志 卷十七 兵事志 苗防附 七

陷陣賊敗破其巢焚之進攻施溶州十一月詔選州民

弓弩手助其軍國傑從部將田榮祖議揮軍攻石農坎

賊棄寨遁遂進拔施溶州擒萬頌斬之復窮捕其黨賊

悉平 本紀 列傳

是年諸軍出征交趾田萬頌魯萬丑孟再師叛以田興

祖征之朝命平章行樞密劉二霸都等詣辰州命興祖

畫山水形勝圖指示道路征勦擒萬頌等滅其族 侯志

延祐二年乙卯辰沅蠻吳於道為寇調兵捕之 本紀

至治二年壬戌辰州洞蠻為寇遣兵捕之 本紀

至正九年己丑徭賊吳天保陷辰州 本紀

二十年庚子偽漢陳友諒據湖湘間噉諸苗以利資其用
諸苗亦為盡力

明史土司傳
綱鑑

明

洪武五年壬子春正月辰澧諸蠻作亂帝命鄧愈為南征
將軍以周德興吳良副之愈出澧州討散毛諸洞德興
出南寧討婪鳳安田諸州良出靖州討會同古州等路
指揮吳復攻九溪辰澧諸蠻悉平

明史列傳

十一年戊午五開蠻叛以辰州指揮楊仲名為總兵官討
之五開平

帝紀

十四年辛酉五溪蠻亂江夏侯周德興已老力請行帝壯

沅陵縣志

卷十七

兵事志

苗防附

十六

而遣之復賜書褒美德興率指揮僉事張銓等至五溪
蠻悉散走會四川塩平諸洞作亂仍命德興進討平之
是年征南將軍傅友德征雲南大軍由辰沅趨貴州斬
春侯康鐸從

帝紀
列傳

案明史康鐸常帥兵征辰州平施疊諸州而侯志載是
年鎮筸治古答意苗首亂總兵官楊仲名征之則康鐸
之征辰州不在是年矣

永樂五年丁亥鎮筸苗復叛命總兵官張駟統軍征勦餘

黨亦各就撫

侯志

十二年甲子筸子坪賊吳者泥自稱苗王與蠻民苗金龍

等爲亂總兵官梁福平之

土司傳

十六年戊戌吳者泥子擔竹復誘苗吳亞麻糾貴州答意諸蠻叛都督蕭授討平之

土司傳

宣德初鎮遠邛水奧洞蠻苗銀總苗章奴父子劫殺捕兵總兵官蕭授調辰沅諸衛兵萬餘人勦之會於清浪衛

指揮張名克奧洞盡殺其黨銀總遁

土司傳

五年庚戌治古答意二長官聚眾爲亂掠殺清浪衛鎮撫益加猖獗蕭授復遣張名擊破之

土司傳

六年辛亥鎮筸苗龍三白大虫等結銅仁苗復叛都督蕭授都御史吳榮等戴罪征討冒暑夜馳抵池河掩殺賊

沅陵縣志

卷十七

兵事志

苗防附

十九

黨竄伏糧絕乃出降

侯志

七年壬子詔殘苗滋擾聽蕭授便宜勦撫不從中制授擒蠻酋八十斬馘無算

列傳

八年癸丑蕭授發楚黔蜀諸軍分道入筸子坪破新郎等寨生擒吳不跳等二百餘人斬吳不爾等五百餘人賊

悉平械獻吳不跳於京師

列傳

正統十四年己巳六月靖州苗犯辰州指揮高亮戰死以

毛福壽爲副總兵討之十二月詔王驥佩平蠻將軍印

討黔苗驥頓兵辰沅不進

帝紀
列傳

正德六年辛未苗酋龍麻羊等嘯聚川湖貴州爲亂詔都

御史楊茂元率漢土兵討之茂元咨楚撫劉丙詣辰州討篁子諸苗賊入連山深箐爲拒守計茂元丙等用苗民龍真爲鄉導進至高崑坪破其數寨賊走據天生崑及六龍山會黔撫沈林兵繼至連攻破之擒其酋都指揮潘勛又破鎮篁諸寨擒龍麻羊餘賊遁

辰州平苗攷
侯志

八年癸酉攻留絞洞勦撫千餘人兵備徐潭指揮高勛知府戴敏等搜捕餘苗

侯志

嘉靖十九年庚子五寨司苗侯答保誘篁子坪板粟及銅仁旦逞諸寨出劫麻陽又亞酉苗龍柳比亦出劫苗官龍騰霄被傷苗遂屯臘爾山辰沅兵備副使李瑜調永

沅陵縣志

卷十七

兵事志

苗防附

三

保千人抵其寨擒首惡龍答己等並擒侯答保又遣守備尤欽等進勦臘爾山功垂成適撫按火牌令退遂班師隨將叛黨招撫安置

侯志

二十二年癸卯詔都御史萬鏜勦撫叛苗六月鏜遣指揮李勇潘璵參將高鳳岡督同苗官田應朝招出龍求兒龍母叟等先是篁子坪烏排寨龍母叟糾合龍求兒與銅仁苗合攻麻陽至是撫之不從鏜乃至辰州再諭亦不聽乃調官軍一萬二千人令辰州守備尤欽指揮吳山何清土官田應朝等領兵入高崑守備鐵冠等督宣慰彭蓋臣田興爵領兵入爆木坪守備周寶等於了刺

關把截鎮守備李英往來督催苗蓄食恃險勢益張會暑雨遂班師量留弁兵防守

二十三年甲辰萬鏜納田應朝策誘致龍母舉督兵破之鏜奏母叟罪大命安置遼東

列傳
土司傳

二十五年丙午萬鏜復至辰州集兵討苗鏜召苗酋龍子賢子賢要質鏜遣千戶往子賢至鏜執而誅之苗亦殺

所質千戶繼遣監軍詣賊營撫諭犒以牛酒予其魁龍許保冠帶湖苗聽撫而貴苗未大割陽許之鏜罷兵還

朝未幾龍許保吳黑苗復叛焚劫州縣無虛日

列傳
侯志

二十七年戊申總督川湖雲貴張岳討楚黔叛苗岳至議

沅陵縣志

卷十七

兵事志

苗防附

三

者猶謂撫便會苗復寇旁縣乃力主用兵

侯志

二十九年庚戌岳令總兵沈希儀參將石邦憲進兵破之俘斬二千餘執許保母女妻妾捷聞罷兵留邦憲等搜

捕

侯志

三十年辛亥龍許保吳黑苗復叛以計破思州府執知府李允簡去石邦憲分兵邀截奪允簡遣先是土官田應

朝肆為奸猾戰則庇賊撫則邀賞至是岳誘殺之於時諸苗畧定邦憲復賄苗麻得盤等偵知許保至龍苗寨

縛之疏聞伏誅

侯志

三十一年壬子石邦憲以計購烏朗土官田興邦等斬吳

黑苗湖貴悉平 列傳

案侯志稱八月劉甫等跡知黑苗襲斬其首以獻疑甫
即興邦共事者與

三十九年庚申淑浦猺沈亞當等為亂總督石勇檄貴州
總兵官石邦憲討之生擒亞當 列傳

四十二年癸亥苗頻出劫沅陵之浦口春伊溪等地同知
劉應卜設拱辰營禦之

崇正初苗酋飛天王張五保叛辰沅參將鄧祖禹討擒之
夷其巢 列傳

十年丁丑鎮筸苗出劫麻陽殺掠最酷 沅州志
田英產平苗議

沅陵縣志 卷十七 兵事志 苗防附 三五

十五年壬午鎮筸苗出劫沅州是時苗種日繁奸民亦竄
入為苗常出掠辰沅諸邊境而鎮筸乾州尤甚參將魏
楨遊擊向文良守備唐良臣死焉後徐祁等勦斬萬餘

苗始稍戢 乾州志

國朝

順治十五年戊戌苗叛參將吳長春兵不滿三百軍機神
速屢擊破之遂盡降服未久長春卒苗復不靖 傳邊錄

康熙二十四年乙丑八月苗出劫鎮溪守備徐進朝追之
入補頂寨遇伏陷官弁兵民數十人左都督郭忠孝進
討大吏即以為總統以分巡道王舜年為監軍知府劉

應中爲督運降沿邊及生苗數十寨復攻破地良坡及
爆木營斬二千餘級進攻補頂寨生擒吳老覽等十五
人賊渠吳二過吳老叟殲於陣十二月追至打虫等寨
復擒斬數百人

平苗記

二十五年丙寅正月苗復聚革多等寨郭忠孝乘雪夜潛
進次日黎明斬苗三百級生擒石老虫等餘賊奔入天
星寨憑險固守我軍圍之急賊突圍欲竄奮擊之斬殺
墮崖死者無算忠孝等憐其久困招諭之遂率眾降

平苗

紀畧

三十二年癸酉勞神寨苗復叛都司王潤討之

傳邊錄

沅陵縣志

卷十七

兵事志

苗防附

三

三十七年戊寅苗千餘攻陷官兵七十餘人初副將劉魁

龍縱下虐苗至是叛

乾州廳志
傳邊錄

三十八年己卯苗復殺擄官兵數百把總郎得功陷馬參

將朱紱進勦得不償失

乾州廳志
省志

四十年辛巳鎮筵遊擊沈長祿等攻老家寨而馬鞍山毛
都塘等寨羣出衝陷守備許邦恆千總孫清及官兵百

餘人

乾州廳志
府志

四十二年癸未九月二十四日奉

上諭湖南紅苗自明朝以來負固不服今仍劫虜我民人
牲畜生事多端其附近奸民亦搶奪人畜及事發之後

誘罪於紅苗者有之紅苗人等不可令在三省接壤之地以爲民害著照招撫廣東八排徭人之例遣在京大臣前往帶荊州駐防滿洲兵一千並酌帶廣西貴州湖南三省兵乘此冬月直逼苗穴勒令歸誠設立州縣庶幾民生不致若此之擾害矣欽此二十六日禮部尚書席爾達副都統圖思海徐九如荊州副都統朱滿督師來討十一月軍至鎮筰苗歸誠者三百一寨賞賚有差席爾達朱滿督軍次爆木營令提督俞益謨攻天星等寨令貴州提督李芳述攻糯糖山等寨令廣西提督張旺攻馬鞍山等寨令總兵雷如春攻毛都塘等寨席爾

沅陵縣志

卷七

兵事志

苗防附

二

達自同總督喻成龍巡撫趙申喬督師應援復令長沙副將高一靖等四路分進益謨令參將許士隆諸軍攀援上攻天星寨斬數百人奪兵馬雜糧無算天星苗大懼納兵器乞降一靖士隆等由箐西箐北分兵進攻而李芳述張旺軍亦先後繼進迭次破賊斬獲甚多十日之間巨逆旣殲餘賊悉平苗徭懾服願輸課比良民諸軍乃班師

省志

四十七年戊子鎮筰總兵張谷貞屢破叛苗苗遂不敢妄

動

鳳凰廳志

四十八年己丑八月老僮潭苗吳老吉等陷鎮筰德勝營

兵弁黃萬年二十三人巡撫趙申喬捕之

苗志

五十年辛卯總督鄂海巡撫潘宗洛提督額倫忒奉命巡邊宣播

天威以招徠之毛都塘苗吳老鐵及乾州各渠長皆先後輸誠願為編氓而盤塘窩生苗八十三寨亦來歸

苗志

雍正八年庚戌

詔諭化誨六里紅苗九月辰沅靖道王柔等率兵開闢巡撫趙宏恩等駐軍吉多坪於是勞神砦地良坡數十寨各歸誠進破頑苗孟三寨誅之餘悉平

苗志

乾隆四年己未總兵劉策名等以苗多不法因巡撫奏請

沅陵縣志

卷十七

兵事志

苗防附

三五

討之進圍栗林寨龍三保等降遂攻盤鵲泥寨生擒龍老登八人惟乾州鞏衝排楚等寨尙不靖

苗志

五年庚申鞏衝排楚寨苗楊三等為同知王瑋所囚苗眾插血為變總兵劉策名生擒楊把狗等

苗志

五十二年丁未鳳凰廳苗作亂總兵尹德禧平之

省志

六十年乙卯貴州苗石柳鄧叛永綏苗石三保應之命雲貴總督福康安湖廣總督福甯並川督和琳會勦復

命大臣額勒登保暨德楞額泰贊軍務兩湖總督畢沅駐辰州總理軍需時苗久踞乾州於二月出瀘溪巴斗山燒浦市辰州戒嚴浦市為商賈舟貨所集擄掠一空殺傷

尤慘會福甯兵敗苗遂出擾瀘麻東北界圍鎮筵城先是福康安和琳由銅仁直穿楚苗深巢東指乾州道既險遠提督劉君輔請五路進兵不聽苗遂得專伺大營所向輒披靡至是屢圍永綬城

省志

嘉慶元年丙辰貝子福康安卒於軍軍事交和琳督辦屢破苗寨先後招降吳隴登誘擒石三保進攻平隴巢穴旋克復乾州城八月總督伯和琳卒於軍以額勒登保代之並

諭署將軍明亮勦平隴十二月克平隴斬石柳鄧並各首

逆家口

省志

沅陵縣志

卷七

兵事志

苗防附

三六

二年丁巳乾鎮之間餘黨尚盤踞村莊官兵搜勦苗酋麻季三等三十一寨乞降而鎮筵左營黑苗由舊司坪出寇浦市之新堡同知傅鼐率鄉勇邀擊之苗眾大至鄉勇死者百餘人

省志

三年戊午黑苗復出舊司坪掠浦市鼐率鄉勇鏖戰一晝夜苗始退是時左右營黑苗最兇悍屢由瀘溪巴斗山出掠浦市

省志

四年己未黑苗吳陳受約火麻營等寨力攻碉卡欲出掠瀘溪總督倭什布奏之

諭曰湖南苗疆前者福康安和琳在彼勦辦不過將就了

事其實何嘗底定今苗匪吳陳受復敢糾眾滋事屢攻
礪卡不法已極十二月傅鼐誘陳受至礪之

省志

五年庚申曬金塘黑苗出掠瀘溪傅鼐等大破之進破四
寨鼐築建礪卡次第竣工

省志

六年辛酉傅鼐攻舊司坪焚其下寨復並討貴州苗連破
七寨

省志

七年壬戌永綬苗龍六生叛總理邊務傅鼐討之誘擒六
生等

省志

八年癸亥傅鼐勦黃土坎苗殲戮殆盡

省志

十年乙丑傅鼐勦逆苗石宗四等擒之各巢懾伏道路遂

沅陵縣志

卷十七 兵事志 苗防附

三七

通 省志
傅鼐行狀

案三廳苗匪歷爲亂階雖經兵力懲創當其時非不奏
凱乃不旋踵而盜兵潢池致令沿邊將士疲於奔命至
嘉慶間傅鼐精練兵勇屢搗巢穴苗人殆十存一二矣
復密建礪卡廣設屯田數十年來苗人不敢萌異志今
黔苗煽亂十餘年攻陷數十州縣而楚中卒不聞有苗
警謂非當日之威足以懾之法足以制之哉惜乎黔事
未經布置致貽禍至今也

論曰沅邑天險之國僻在一隅自古被兵禍者絕少明太
祖建國用事雲貴始假道於此然望風歸命亦絕無攻殺

之事迨明季永歷竄楚督師何騰蛟糾十三鎮烏合之眾
苟且撐拄而李赤心高必正王進才馬靖忠等均屬闖賊
餘孽不受節制與孫可望之將盧名臣等先後盤踞辰城
大肆蹂躪民不聊生雖自入版圖稍獲蘇息乃未幾而滇
藩稱亂直犯湖湘逆孫世璠繼煽凶燄死守辰龍關與
大軍久持當是時父棄其子夫棄其婦死亡者枕相藉翳
古以來邑之被兵惟此爲慘且久矣咸豐初髮逆變起由
西粵犯長沙順趨皖鄂邑尙未罹其禍洎四年甲寅賊陷
常德距邑僅三百里十一年辛酉賊犯浦市距城僅百餘
里而保全無恙固由防範周密有以致之亦何嘗非地之
沅陵縣志 卷十七 兵事志 論
險且僻者足以杜其窺伺之萌哉撫茲土者因此天險倣
古團練法順其勢而利導之雖百世無兵禍可也至於苗
變自古有之雍正間諸土司納土歸流其禍遂熄故乾嘉
之際苗犯浦市者屢矣而卒不敢下竄者離巢愈遠勢難
再進與宋之田彭諸氏近在肘腋者不同也考府志紀苗
事獨詳蓋其時三廳尙屬辰州度勢審時體例固應如是
今茲所載非畧也勢殊於前故文損於舊是又不敢過泥
者耳

